

Nane Cuca

Questa xe la storia de Nane Cuca che lavorava in coperativa agricola a Buie.

Nane no vedeva tanto ben, el giera un fià orbo. Come ogni siorno a mesodì se andava a disnar. I sò compari de lavor sapando la vigna in Contarini i à trovà un rospo e i sà meso d'acordo de farghe un scherzo savendo che lui sempre disnava un fià in disparte dei altri. I sò compari i ghe à domandà: "Nane, ancuo che tà per pranzo?" E lui ghe à risposto: "Ancuo mia Catina mà meso do nafi de manestron col companadigo e mi mò ciolto una chianta de negratenera!" Così i sà sentà e quando Nane se à voltà un fià, i à meso el rospo in tela sicela e magnà el companadigo. Quando Nane ciol e vedi sto grosso toco de carne el disi: "Maria Santissima che bondanza ancuo, mia Catina mà meso la recia del porco! Nane el ciol fora el rospo e lo meti sul coverciel senza capir che xe un rospo.

Finido de magnar el manestron, el companadigo ga sparì dal coverciel. "Ragazi, chi mà rubà el companadigo? Tornelo indrio!": dizi Nane e i sò compari ghe rispondi: "Nane, non ti vedi che el tuo companadigo salta par la vigna!" "Malagnosi, de novo mà vè cogionado (preso in giro)!": rispondi Nane un poco secà.